



Broj/ Број : 02/2-50-1-13/07

Sarajevo/ Сарајево : 05.02.2008. godine

**PREDSJEDAVALAČEM DOMA NARODA
PARLAMENTARNE SKUPŠTINE
BOSNE I HERCEGOVINE**

Na osnovu člana 35. stav (2) Poslovnika Doma naroda Parlamentarne skupštine Bosne i Hercegovine, Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, podnosi sljedeći

IZVJEŠTAJ O RADU

(za period 21.03.2007. godine – 31.12.2007. godine)

I - OPĆE ODREDBE O KOMISIJI

U periodu od 21.03.2007. godine – 31.12.2007. godine, osnovni cilj rada Komisije bio je osigurati kvalitetnu pripremu rada Doma i što bolje i efikasnije funkcioniranje Doma naroda, a time i Parlamentarne skupštine BiH, kroz provedbu općih opredjeljenja zacrtanih Ustavom Bosne i Hercegovine i Dejtonskim mirovnim sporazumom, te politikom utvrđenom od strane Predsjedništva Bosne i Hercegovine, Vijeća ministara Bosne i Hercegovine i Parlamentarne skupštine Bosne i Hercegovine, te ulogom i zadacima Doma naroda Parlamentarne skupštine BiH.

U skladu sa članom 27. Poslovnika Doma naroda Parlamentarne skupštine Bosne i Hercegovine, Komisija za vanjsku i trgovinsku politiku, carine, saobraćaj i komunikacije :

- Prati vođenje vanjske politike od strane Predsjedništva BiH i Vijeća ministara BiH;
- Razmatra pitanja saradnje BiH s Ujedinjenim nacijama i međunarodnom zajednicom;
- Razmatra pitanja međuparlamentarne saradnje s odgovarajućim komisijama parlamenata drugih zemalja;
- Razmatra pitanja saradnje sa Vijećem Evrope, Interparlamentarnom unijom, Centralno-evropskom inicijativom i Organizacijom za sigurnost i saradnju u Evropi, te drugim međunarodnim organizacijama;
- Razmatra pitanja rada s institucijama BiH, kompetentnim za pitanja vanjskih poslova i međunarodnih odnosa;
- Razmatra aktivnosti stalnih ili privremenih delegacija Parlamentarne skupštine u međuparlamentarnim institucijama;
- Razmatra pitanja saglasnosti za ratificiranje međunarodnih ugovora, sporazuma i konvencija
- Razmatra pitanja otkazivanja međunarodnih ugovora, sporazuma i konvencija;
- Razmatra pitanja koja se odnose na vanjskotrgovinsku politiku;

- Razmatra pitanja koja se odnose na sporazume o međunarodnoj trgovini;
- Razmatra pitanja koja se odnose na carinsku politiku;
- Razmatra pitanja koja se odnose na tarife, propise i zakone iz svoje oblasti;
- Razmatra pitanja koja se odnose na međunarodne obaveze BiH;
- Razmatra odnose s međunarodnim trgovinskim institucijama;
- Razmatra pitanja koja se odnose na putne isprave;
- Razmatra pitanja koja se odnose na boravak i kretanje stranaca;
- Razmatra pitanja koja se odnose na uspostavljanje i funkcioniranje zajedničkih i međunarodnih komunikacija;
- Razmatra pitanja koja se odnose na reguliranje međuentitetskog saobraćaja;
- Razmatra pitanja koja se odnose na kontrolu zračnog saobraćaja;
- Razmatra pitanja koja se odnose na kontrolu frekvencija; te
- Razmatra i druga pitanja iz oblasti međunarodnih i vanjskih poslova, vanjske trgovine, carina, saobraćaja i komunikacija.

Kako je i predviđeno Odjeljkom D. (Opće odredbe o komisijama), članom 31. stav (1) Poslovnika Doma naroda Parlamentarne skupštine Bosne i Hercegovine: “Komisija nema više od šest članova. Preraspodjela mjesta mora biti srazmjerna klubovima naroda u Domu od kojih su dvije trećine članova izabrane s teritorije Federacije BiH, a jedna trećina s teritorije Republike Srpske“.

U skladu s tim, Komisija za vanjsku i trgovinsku politiku, carine, saobraćaj i komunikacije ima šest članova, a to su: Alma Čolo, Rudo Vidović, Dušanka Majkić, Adem Ibrahimpašić, Branko Zrno i Slobodan Šaraba.

Poslovníkom Doma naroda Parlamentarne skupštine Bosne i Hercegovine, član 31. stav (2) predviđa se da: “Komisija među svojim članovima bira predsjedavajućeg, te prvog i drugog zamjenika predsjedavajućeg. Oni se biraju iz reda tri konstitutivna naroda“.

Za predsjedavajuću Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine je, u skladu sa navedenim, izabrana Alma Čolo, dok su za prvog i drugog zamjenika predsjedavajuće, izabrani Rudo Vidović i Dušanka Majkić.

Komisija od trenutka konstituiranja radi bez zvanično imenovanog sekretara Komisije, ali je, kao vršilac dužnosti, ove poslove obavljala Aida Kreho, inače, stručni saradnik u Komisiji.

Sjednicu Komisije saziva predsjedavajući komisije, u skladu sa članom 38. Poslovnika, i to, po pravilu, pet dana prije održavanja sjednice, osim ako ne postoje opravdani razlozi za njezino sazivanje u kraćem vremenu.

Predsjedavajući Komisije, u saradnji sa njenim sekretarom, organizira rad komisije. Za svaku godinu priprema se Radni plan, čiji su sadržaj i rokovi za realiziranje postavljeni okvirno, prema očekivanjima aktivnosti na nivou Bosne i Hercegovine i prema potrebnoj koordinaciji sa drugim tijelima nadležnim za vanjsku i trgovinsku politiku, carine, saobraćaj te komunikacije. Moguće je pomijerati rokove za razmatranje pitanja iz plana, ovisno o dospjeću materijala od nadležnih institucija, s osnovnim ciljem da se materijali što kraće zadržavaju u Komisiji i u ukupnoj parlamentarnoj proceduri.

Datumi održavanja svake sjednice, te prisustvo članova Komisije na sjednicama, mogu se vidjeti u tabelarnom prikazu (u prilogu).

Ovisno o dnevnom redu, odnosno broju materijala čije je razmatranje predviđeno za određenu sjednicu, određuje se i vrijeme trajanja sjednice. Treba napomenuti da se nikada tačno ne određuje trenutak završetka određene sjednice Komisije za vanjsku i trgovinsku politiku, carine, saobraćaj i komunikacije; naime, uvijek se trudi omogućiti i ostaviti dovoljno vremena

izvjestiocima, predlagačima te članovima Komisije da iskažu svoje mišljenje, stav ili postavu pitanje vezano za materijal o kojem se raspravlja.

Bilježenje aktivnosti na sjednici vrši sekretar Komisije. On, u saradnji sa predsjedavajućim, izrađuje Zapisnik, koji članovi Komisije usvajaju, u pravilu, na narednoj zakazanoj sjednici. (Primjerak Zapisnika dostavljamo u prilogu).

U svom radu, Komisija za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine imala je priliku saradivati sa Komisijom za vanjske poslove i Komisijom za vanjsku trgovinu i carine Predstavničkog doma Parlamentarne skupštine Bosne i Hercegovine, ministarstvima na državnom nivou. Međutim, potrebno je naglasiti i činjenicu da ministarstva nisu uvijek bila spremna na vrijeme odgovoriti na svoje obaveze i dužnosti, što se najbolje vidi kroz njihovo praćenje sjednica Komisija za vanjsku i trgovinsku politiku, carine, saobraćaj i komunikacije, te pružanje adekvatnih odgovora i dostavljanje traženih informacija.

Komisija je u periodu od 21.03.2007. godine, do 31.12.2007. godine održala 8 sjednica.

II - AKTIVNOSTI KOMISIJE

1. U proteklom periodu, Komsija je razmatrala sljedeće zakone iz svoje nadležnosti :

- Prijedlog zakona o izmjenama i dopunama Zakona o osnovama sigurnosti saobraćaja na putevima u Bosni i Hercegovini;
- Prijedlog zakona o dopuni Zakona o nadzoru nad tržištem u Bosni i Hercegovini;
- Prijedlog zakona o izmjeni Zakona o konkurenciji Bosne i Hercegovine;
- Prijedlog zakona o zaštiti planova rasporeda integriranih kola;
- Prijedlog zakona o elektronskom pravnom i poslovnom prometu;
- Prijedlog zakona o poljoprivredi, prehrani i ruralnom razvoju;
- Prijedlog zakona o vinu, rakiji i drugim proizvodima od grožđa i vina;
- Prijedlog zakona o izmjenama Zakona o carinskoj tarifi Bosne i Hercegovine;

2. Komisija je razmatrala i predložila Domu naroda da ratificira sljedeće sporazume, ugovore i konvencije:

- Sporazum između Bosne i Hercegovine i Republike Hrvatske o izmjeni Sporazuma između Vlade Bosne i Hercegovine, Vlade Federacije Bosne i Hercegovine i Vlade Republike Hrvatske o međusobnom izvršavanju sudskih odluka u krivičnim stvarima;
- Ugovor o finansiranju između Bosne i Hercegovine i Evropske investicione banke – Projekat obnove električne energije II;
- Sporazum o privrednoj saradnji između Vijeća ministara BiH i Vlade Republike Mađarske;
- Ženevski akt haškog sporazuma o međunarodnoj registraciji industrijskog dizajna (2.7.1999.);
- Sporazum između Vijeća ministara BiH i Vlade Republike Mađarske o saradnji u oblasti obrazovanja, nauke i kulture;
- Sporazum između Bosne i Hercegovine i Srbije i Crne Gore o pograničnom saobraćaju;
- Sporazum o određivanju graničnih prijelaza između Bosne i Hercegovine i Srbije i Crne Gore;
- Sporazum između Bosne i Hercegovine i Srbije i Crne Gore o pojednostavljenom postupku prometa ljudi i roba na graničnim prijelazima Uvac – Uvac i Ustibar – Vagan;
- Sporazum o socijalnom osiguranju između Bosne i Hercegovine i Republike Slovenije;
- Sporazum između Vijeća ministara BiH i Vlade Arapske Republike Egipat o saradnji u oblasti suzbijanja kriminala;

- Sporazum između Vijeća ministara BiH i Vlade Republike Francuske o readmisiji lica sa nezakonitim statusom i Protokol o primjeni Sporazuma;
- Sporazum između Vijeća ministara BiH i Vlade Kraljevine Danske o prihvatu lica čiji je boravak protuzakonit;
- Strateški sporazum o saradnji između Vijeća ministara BiH i Ureda Evropske policije (EUROPOL);
- Sporazum o saradnji između Vijeća ministara BiH i Vlade Republike Italije u oblasti borbe protiv organiziranog kriminala;
- Sporazum između Vijeća ministara BiH i Vlade Islamske Republike Iran o saradnji u oblasti sigurnosti;
- Sporazum između Vijeća ministara BiH i Vlade Republike Slovenije o policijskoj saradnji;
- Sporazum o zračnom saobraćaju između Vijeća ministara BiH i Vijeća ministara Republike Albanije;
- Sporazum između Bosne i Hercegovine i Sjevernoatlanske ugovorne organizacije (NATO) o sigurnosti informacija;
- Sporazum između Vijeća ministara Bosne i Hercegovine i Vlade Republike Hrvatske o saradnji u nadzoru državne granice;
- Sporazum između Vijeća ministara Bosne i Hercegovine i Vijeća ministara Srbije i Crne Gore o vraćanju i prihvatanju lica koja ne ispunjavaju, ili više ne ispunjavaju uslove za ulazak ili boravak na teritoriji druge države;
- Sporazum između Vijeća ministara Bosne i Hercegovine i Vlade Republike Slovenije o saradnji na polju odbrane;
- Sporazum o vojnom grantu između Vijeća ministara Bosne i Hercegovine i Vlade Republike Turske i Implementacioni protokol koji se odnosi na finansijsku pomoć između Ministarstva odbrane Bosne i Hercegovine i Generalštaba Republike Turske;
- Osnovni ugovor između Bosne i Hercegovine i Svete Stolice i Dodatni protokol na Osnovni ugovor;
- Konvenciju za objedinjavanje određenih propisa u međunarodnom vazdušnom prevozu, Doc. 9740 – Montreal, 28.05.1999. godine;
- Sporazum o uspostavljanju željezničke mreže velikih mogućnosti u jugoistočnoj Evropi;
- Privremeni ugovor o slobodnoj trgovini između Vijeća ministara Bosne i Hercegovine i Misije privremene uprave Ujedinjenih nacija na Kosovu;
- Drugi dodatni protokol uz Evropsku konvenciju o pravnoj pomoći;
- Sporazum između Bosne i Hercegovine i Ujedinjenih Arapskih Emirata o izbjegavanju dvostrukog oporezivanja u odnosu na poreze na dohodak i imovinu;
- Kreditni sporazum između Bosne i Hercegovine, koju zastupa Ministarstvo finansija i trezora, i Bank Austrija Creditanstalt AG – Projekat vodosnabdijevanja Brčko Distrikta;
- Kreditni sporazum između Bosne i Hercegovine, koju zastupa Ministarstvo finansija i trezora, i Bank Austrija Creditanstalt AG – Projekat vodovodnog i kanizacionog sistema u općini Gradiška;
- Kreditni sporazum između Bosne i Hercegovine i OPEC Fonda za međunarodni razvoj – Projekat sarajevske zaobilaznice;
- Ugovor o socijalnom osiguranju između Bosne i Hercegovine i Kraljevine Belgije;
- Ugovor o pomorstvu između Vijeća ministara Bosne i Hercegovine i Vlade Republike Turske;
- Sporazum o izmjeni i pristupanju Centralnoevropskom sporazumu o slobodnoj trgovini (CEFTA 2006. godina);
- Sporazum između Bosne i Hercegovine i Republike Litvanije o unapređenju i zaštiti investicija;
- Kreditni sporazum između Bosne i Hercegovine i Fonda za međunarodni razvoj OPEC-a – Projekat unapređenja ruralnog preduzeništva;

- Ugovor o finansiranju između Bosne i Hercegovine i Evropske investicione banke – Projekat sanacije puteva u Federaciji BiH;
- Sporazum između Bosne i Hercegovine i Kraljevine Norveške o finansiranju projekata u korist pravosuđa i/ili sudova i tužilaštava u Bosni i Hercegovini;
- Sporazum o finansiranju – Dodatno finansiranje za Projekat razvoja zajednica - između Bosne i Hercegovine i Međunarodne asocijacije za razvoj;
- Sporazum o saradnji između Vijeća ministara BiH i Države Kuvajt u oblasti kulture, informisanja, nauke i obrazovanja;
- Ugovor između Bosne i Hercegovine i Republike Hrvatske o dvojnog državljanstvu;
- Okvirni sporazum između Vijeća ministara BiH i Vlade Republike Turske o saradnji na polju vojne obuke, tehnike i nauke;
- Sporazum između Bosne i Hercegovine i Švicarske Konfederacije o policijskoj saradnji u borbi protiv kriminala;
- Sporazum o zračnom saobraćaju između Bosne i Hercegovine i Islamske Republike Pakistan;
- Konvenciju Vijeća Evrope o borbi protiv trgovine ljudima;
- Konvenciju Vijeća Evrope o spriječavanju terorizma;
- Konvenciju Vijeća Evrope o pranju novca, otkrivanju, privremenom oduzimanju i konfiskaciji dobiti stečene kriminalnim radnjama i finansiranju terorizma;
- Sporazum između Bosne i Hercegovine i Islamske Republike Pakistan o saradnji u oblasti odbrambene industrije;
- Sporazum o ekonomskoj i tehnološkoj saradnji između Vijeća ministara Bosne i Hercegovine i Vlade Republike Grčke,
- Sporazum između Bosne i Hercegovine i Evropske zajednice o readmisiji lica koja borave bez dozvole;
- Sporazum između Bosne i Hercegovine i Evropske zajednice o olakšicama kod izdavanje viza;

3. Komisija je razmatrala i sljedeće materijale iz okvira svoje nadležnosti:

- Izvještaj o radu Državne regulatorne komisije za električnu energiju u 2006. godini;
- Izvještaj o učešću delegacije Parlamentarne skupštine BiH pri Parlamentarnoj skupštini NATO-a na 52. godišnjem zasjedanju Parlamentarne skupštine NATO-a;
- Izvještaj o učešću u radu Regionalnog okruglog stola, održanog u Podgorici od 14. do 16.12.2006. godine, o temi: „Ustav i prava nacionalnih manjina“;
- Izvještaj sa jesenjeg zasjedanja Parlamentarne skupštine OSCE-a, održanog na Malti od 17. do 20.11.2006. godine;
- Izvještaj o Konferenciji predsjednika komisija za vanjske poslove parlamenata zemalja članica Evropske unije, Evropskog parlamenta i zemalja kandidata za prijem u članstvo EU (COFACC), Berlin, 26.i 27.2.2007.;
- Informacija s održanog sastanka s gosp. Bruceom McLanom, političkim savjetnikom Komande Štaba NATO-a u Bosni i Hercegovini;
- Informaciju s održanog sastanka sa izvjestiocima Političkog komiteta Parlamentarne skupštine Zapadnoevropske unije;
- Zabilješku sa sastanka sa Ali Bagheri-em, održanog 11.06.2007. godine;
- Izvještaj Zajedničke komisije za evropske integracije sa 9. interparlamentarnog sastanka sa Delegacijom Evropskog parlamenta za odnose sa zemljama Jugoistočne Evrope, održanog u Briselu, 28.06.2007. godine;
- Izvještaj stalne delegacije PS BiH pri Parlamentarnoj skupštini NATO-a sa Proljetnog zasjedanja Parlamentarne skupštine NATO-a, održanog u Madeiri, Portugal, od 25. – 28.05.2007. godine;

- Izvještaj Stalne delegacije PS BiH pri Parlamentarnoj skupštini NATO-a sa Rose Roth seminaru u organizaciji Parlamentarne skupštine NATO-a, održanog u Dubrovniku, od 24. – 26.06.2007. godine;
- Izvještaje i informacije sa održanih sastanaka i seminara Zajedničke komisije za odbranu i sigurnost PS BiH;
- Izvještaj stalne delagacije PS BIH pri Parlamentarnoj skupštini OSCE-a sa 16. godišnjeg zasjedanja Parlamentarne skupštine OSCE-a, održanog u Kijevu, od 04. – 09.07.2007. godine;
- Zabilješku sa zajedničkog sastanka Komisije za vanjske poslove Predstavničkog doma PSBiH i Komisije za vanjsku i trgovinsku politiku, carine, saobraćaj i komunikacije Doma naroda PSBiH sa novoimenovanim ambasadorom Bosne i Hercegovine u Crnoj Gori, g. Branimirom Jukićem;

4. Komisija je obavljala i sljedeće dužnosti iz okvira svoje nadležnosti:

- Sastanak sa predstavnicima Ministarstva vanjskih poslova Bosne i Hercegovine i Tomislavom Limovom, novoimenovanim ambasadorom Bosne i Hercegovine u Republici Austriji;
- Sastanak sa predstavnicima Ministarstva vanjskih poslova Bosne i Hercegovine i Branimirom Jukićem, novoimenovanim ambasadorom Bosne i Hercegovine u Crnoj Gori
- Sastanak sa predstavnicima Ministarstva vanjske trgovine i ekonomskih odnosa o CEFTA Sporazumu;
- Sastanak sa Ali Bagheri-em, generalnim direktorom Odjela za centralnu i zapadnu Evropu Ministarstva vanjskih poslova Islamske Republike Iran.

III - ZAKLJUČAK

Ukoliko sumiramo cjelokupnu aktivnost i rezultate rada Komisije za vanjsku i trgovinsku politiku, carine, saobraćaj i komunikacije Doma naroda Parlamentarne skupštine Bosne i Hercegovine, može se zaključiti da iza svih članova, ali i ostalog osoblja aktivno angažovanog u radu Komisije, stoji naporan, ali uspješan period u kojem su svi zadaci postavljeni pred Komisiju u potpunosti realizirani, na najbolji mogući način.

Privremeni sekretar Komisije
za vanjsku i trgovinsku politiku,
carine, saobraćaj i komunikacije
Aida Kreho

Predsjedavajuća Komisije
za vanjsku i trgovinsku politiku
carine, saobraćaj i komunikacije
Alma Čolo

Prilog:

1. *Tabelarni prikaz datuma održavanja sjednica Komisije za vanjsku i trgovinsku politiku, carine, saobraćaj i komunikacije sa prikazom prisustva sjednicama*
2. *Primjerak Zapisnika (Zapisnik 7. sjednice Komisije)*